

Obbligatorietà dell'uso del nuovo Messale Romano

SACRA CONGREGATIO PRO CULTU DIVINO - PROT. N. 13/75 - ROMAE, DIE 7.I.1975.
Ai Presidenti delle Conferenze Episcopali.

Eminentissime Domine.

Pergratum mihi duco transmittere ad Te textum *Notificationis* huius Sacri Dicasterii, publici iuris factae die 28 octobris 1974, cuius momentum in actione pastoralis peragenda neminem latere potest.

Dum grates rependo de Tua assidua benevolentia necnon adiutrice opera in liturgica instauratione ad effectum perducenda, sensus venerationis meae erga Te pando atque libenter permaneo

in Domino add. mus

+ A. BUGNINI, *a Secretis*

IACOBUS R. CARD. KNOX, *Praefectus*

NOTIFICATIO

Conferentiarum Episcopaliū munera de conficiendis popularibus interpretationibus librorum liturgicorum necnon normae de earundem confirmatione a Sede Apostolica debite exquirenda antea ab hac S. Congregatione definita sunt, approbante Summo Pontifice, per *Notificationem* diei 14 iunii 1971. Quae quidem gradatim ubique terrarum ita in usum sunt deducta, ut, sufficienti temporis spatio transacto, id operis iam fere perfectum esse constet. Quod autem ad Missale Romanum attinet, quoties Conferentia Episcopalis statuit Missale Romanum in lingua vernacula, vel etiam quandam eius partem, v. gr. *Ordo Missae*, in sua regione assumi debere, tunc sive lingua latina sive lingua vernacula Missam celebrare licet *tantummodo* iuxta ritum Missalis Romani auctoritate Pauli VI promulgati, die 3 mensis aprilis 1969.

Circa normas vero, quae ab hac S. Congregatione editae sunt in bonum sacerdotum, qui ob provectam aetatem vel infirmitatem graves experiantur difficultates in novo Ordine Missalis Romani vel Lectionarii Missae servando, patet facultatem ab *Ordinario* concedi posse Missale Romanum iuxta editionem typicam anni 1962, per Decreta annorum

1965 et 1967 accommodatum, sive ex parte sive ex toto retinendi, sed *tantummodo* pro celebratione Missae *sine populo*. Nequeunt tamen Ordinarii huiusmodi facultatem tribuere pro celebratione Missae cum populo. Invigilent potius iidem Ordinarii, tum locorum tum religiosorum, ut, salvis ritibus liturgicis non Romanis, ab Ecclesia legitime agnitis, et nonobstante praetextu cuiusvis consuetudinis etiam immemorabilis, Ordo Missae novi Missalis Romani ab omnibus ritus Romani sacerdotibus et fidelibus recte accipiatur et maiore usque studio ac pietate comprehendatur in iis, quos continet, thesauris sive divinorum Verborum sive liturgicae pastoralisque doctrinae.

Ex aedibus Sacrae Congregationis pro Cultu Divino, die 28 octobris 1974.

+ A. BUGNINI, *a Secretis*

IACOBUS R. CARD. KNOX, *Praefectus*

Comunicato circa l'uso del nuovo Rito dell'Unzione degli infermi

Si ricorda che il nuovo Rito « Sacramento dell'Unzione e cura pastorale degli infermi », già in vigore nella versione italiana dal momento della sua pubblicazione, diventerà obbligatorio dal 16 febbraio p.v., prima domenica di Quaresima.

A partire da tale data, non sarà più consentito l'uso del vecchio rito: in base, infatti, alla Costituzione Apostolica *Sacram Unctionem infirmorum* il sacramento dell'Unzione risulta ristrutturato non nei riti e formulari soltanto, ma nello stesso segno strettamente sacramentale, per cui l'adozione del nuovo rito diventa necessariamente obbligatoria.

L'edizione tipica per la lingua italiana, ufficiale per l'uso liturgico, di questa parte del Rituale Romano è stata pubblicata nell'agosto scorso.

Roma, 15 gennaio 1975.

LA SEGRETERIA GENERALE DELLA C.E.I.